

**ZAPISNIK SA 7. VANREDNE SJEDNICE UO-a SAMOSTALNOG SINDIKATA RADNIKA
u BHRT-u, održane 02. 06. 2016. godine**

Prisutni: D. Smital; N. Arnautović; Dž. Kahrica; T. Maličbegović; M. Grbo; E. Čengić; G. Brkić; N. Žuga; N. Hodžić; E. Fočo; S. Topalić; M. Baručija; O. Bukić; M. K. Pašalić; D. Miljević; N. Čordalija

Odsutni: B.Hamzagić - opravdano

Gosti: A. Džidić, povjerenik podružnice ITC-a, B. Karamehmedović, generalni direktor BHRT-a; E. Plečan, pravni zastupnik SSR u BHRT-u, S. Čengić; M. Jašarević;

Dnevni red:

1. Aktuelna situacija u BHRT-u

AD 1 D. Smital je pozdravio prisutne i iznio razlog sazivanja ove sjednice. Naime Upravni odbor BHRT-a je na svojoj zadnjoj sjednici donio Odluku o privremenom prekidanju programa, te je zbog ovog pozvan i generalni direktor na sjednicu. Donesen je jednoglasno zaključak da UO SSR u BHRT-u bude u stalnom zasjedanju.

S. Topalić je istakla da je PD PSBiH stavio na dnevni red sjednice 15.06. '16, Zakon o izmjenama zakona o RTV Sistemu, a da bi se sljedeća sjednica mogla održati 27.06.'16.

D. Smital je naglasio da, ako se bude išlo na izmjene Zakona na način da budu uključeni i fondovi, taj proces će trajati dugo zbog potrebnog usaglašavanja entitetskih zakona, a ako se bude išlo samo na rješavanje naplate rtv takse preko i kabl i telekom operatera, onda bi moglo biti završeno do 30.06.

Sjednici se pridružio i generalni direktor B. Karamehmedović, koji je istakao da je Odluka Upravnog odbora BHRT-a ozbiljno shvaćena u svim institucijama, te ako se bude rješavala naplata rtv takse, to bi moglo biti riješeno do kraja juna '16. Naglasio je da je pozvao i direktore entitetskih javnih servisa kako bi se iznašlo što brže rješenje, direktor RTV FBiH se nije odazvao, a direktor RTRS je službeno odsutan. Rekao je da je sjednica Odbora sistema zakazana za 10.06.'16. u B. Luci i da će menadžment BHRT-a, zajedno sa UO-om BHRT-a istrajati u svojoj odluci. Planirano je da se od 01.07.'16. počne emitovati otvoreni program, a emitovaće se i programi kojima smo vezani ugovorom zbog marketinga. Što se tiče izrade organizacije, ona se radi, i nije jednostavno to uraditi obzirom na ovakvu situaciju. Status je kritičan i o tome će biti obaviještena javnost, gdje će se posebno naglasiti, da je prenos EURO 2016. omogućen na uštrb radnika.

Na upit, zašto je dozvoljeno RTV FBiH da ima svoju produkciju, B. Karamehmedović je objasnio da je i Vlada FBiH to finansirala.

D. Smital je predložio da se u programu BHRT-a suoče predstavnici upravnih odbora ili generalni direktori javnih emitera. B. Karamehmedović je na upit, kako se plaćaju usluge koje BHRT pruža RTV FBiH, rekao da je to simbolično, i istakao da za vozni park i arhiv, uopšte nema plaćanja, a za repetitore se nešto plaća.

N. Čordalija je upitao dokle su došli sudski procesi u vezi dugova od strane RTV FBiH i RTRS-a. B. Karamehmedović je rekao da je RTV FBiH na sudu još od 2008. godine, a RTRS nešto kasnije, a što se tiče naplate rtv takse preko inkaso službi, o tom iznosu se kriju podaci.

Na kraju je istakao da je Upravni odbor BHRT-a sa menadžmentom u stalnom zasjedanju.

S. Topalić je napomenula da je i Upravni odbor SSR u BHRT-u također u stalnom zasjedanju.

Sastanku se pridružio i pravni zastupnik SSR u BHRT-u E.Plečan, koji je izvjestio UO sindikata, da sindikat, obzirom da nije još donesena odluka o reprezentativnosti SSR u BHRT-u, ne može donijeti Odluku o obustavi rada.

S. Topalić je predložila da se hitno promjeni pravni zastupnik, te je dogovoreno da se obave razgovori sa advokatima, i da će se na sljedećoj sjednici razgovarati o tome.

Sjednica je nastavljena sa čitanjem zahtjeva od strane SSR u BHRT-u, a koji bi se trebali uputiti svim relevantnim institucijama (gen. direktorima tri servisa, VM-a, OHR-u, EU-i, PS BiH i medijima).

Nakon manjih ispravki u redosljedu i tekstu zahtjeva, isti su jednoglasno usvojeni i glase:

Upravni odbor SSR u BHRT-u je na 7. vanrednoj sjednici, održanoj 02.06. 2016. godine, a povodom posljednjih dešavanja vezanih za BHRT, donio odluku o stalnom zasjedanju.

Samostalni sindikat radnika u BHRT-u, kao većinski sindikat u BHRT-u, će se boriti za opstanak naše kuće svim dozvoljenim sredstvima i zbog toga zahtjevamo:

- 1. Od UO BHRT-a prekid pružanja usluga entitetskim javnim servisima od 06.06.2016.godine ukoliko do tada ne izmire barem dio potraživanja od strane BHRT-a, kako bi BHRT mogao platiti dio duga EBU-u i prava za prenošenje Evropskog prvenstva u fudbalu. Ukoliko UO BHRT-a ne donese takvu odluku, Sindikat će poduzeti sve dozvoljene aktivnosti da zaštiti svoje članove.*
- 2. Ubrzanje procedure donošenja izmjena Zakona o Javnom RTV Sistemu, na osnovu kojih bi rtv taksu bili dužni prikupljati i kabl-operateri. Smatramo da ukoliko se ne ubrza procedura, kroz rad nadležnih komisija i PS BiH, izmjene zakona neće biti usvojene do 30.06., kada ističe sadašnji model naplate preko telekom-operatera.*
- 3. Javno suočavanje u programu BHRT-a predstavnika upravnih odbora ili generalnih direktora sva 3 javna servisa, kako bi javnost, a samim tim i radnici BHRT-a saznali kako i iz kojih razloga nije mnogo ranije donešen prijedlog o načinu naplate RTV takse, ko je odgovoran i ko opstruira taj proces, te kako su nastali milionski dugovi entitetskih javnih servisa prema BHRT-u.*
- 4. Da se hitno pristupi izradi novog zakona o Javnom RTV sistemu kako bi se na adekvatan način riješili odnosi između javnih RTV servisa i našlo konačno rješenje za stabilno finansiranje BHRT-a.*
- 5. Hitno provođenje zaključka PD PS BiH o vršenju posebne revizije poslovanja BHRT-a, od strane Ureda za reviziju institucija BiH kao i ulazak organa revizije u entitetske javne servise.*

G.Brkić je iznio prijedlog da se Upravnom odboru BHRT-a uputi dopis za promjenu loga BHT1, što je takođe jednoglasno usvojeno.

D. Smital je pročitao e-mail upućen od strane Ž. Bajića, u kojem se traži saradnja sa SSR u BHRT-u, u kojem je rečeno, „Dostavljam vam zaključke s vanredne Skupštine. Ako smatrate da ovdje ima elemenata za zajedničko djelovanje, molimo vas da nas o tome informišete...“ Kroz raspravu je utvrđeno da se saradnja ne može ostvarivati na način da se donose jednostrane odluke i SSR u BHRT-u dovodi pred gotov čin, te da vođeni dosadašnjim iskustvima u saradnji sa SO BHRT, istu odbijamo.

A. Džidić je predložio, obzirom da je UO SSR u BHRT-u u stalnom zasjedanju, da radno predsjedništvo u sastavu: Damir Smital, Svjetlana Topalić, Džemal Kahrica i Elvis Čengiđić ima mandat da operativno djeluje u skladu sa donesenim zaključcima. Zaključak je jednoglasno prihvaćen.

UPRAVNI ODBOR
SAMOSTALNOG SINDIKATA RADNIKA U BHRT-u